

小謨觴館詩文集注

小坡鶴齋詩文集

小謨觴館詩集注卷第三

錢唐孫

元培

長熙

纂輯

星社集一

庚戌迄壬子

星社集者湘涵彭子隨親潁州作也潁固淮北雄郡
晏呂歐蘇遺澤未泯風雅之士相與掎裳聯襪訪二
柳之亭賦聚星之雪中間往還南北山川人事類皆
托諸詠歌不幸不祐洊丁艱棘躬奉廣柳歸耐故邱
捐棄筆硯者閱月二十乙卯秋乃援祥琴例補作別
友遷居諸詩計庚戌陽月至乙卯秋仲六年詩薈爲
二卷索過風於前林追往夢於旣寤識者或不以爲

非禮歟乾隆乙卯壯月下澣甘亭居士書於城南小

謨觴館

潁州府志聚星堂歐陽脩建蘇軾嘗於雪夜宴客堂中忽憶歐公守潁日雪中約客賦禁體詩嘆曰四十年莫有繼者僕以老門生繼公後而公之二子又適在郡亦奇事也輒舉前韻又清潁亭西湖上蘇軾嘗與弟轍別於此有別淚滴清潁之句又二柳亭晏殊守郡日手植雙柳歐陽脩繼至則柳已成陰矣又會老堂西湖上歐陽永叔與趙叔平同在政府及叔平歸睢陽單車特訪永叔時年八十矣呂晦叔爲潁守開宴題其堂曰會老潘岳藉田賦躡踵側肩揜裳連襪李商隱祭裴氏姊文不幸不祐天實爲之任昉奏彈范縝縝丁艱棘史記季布傳布數窘漢王高祖購求布布匿濮陽周氏乃髡鉗布置廣柳車中之魯朱家所賣之又陸機樂府龍旒被廣柳前驅矯輕旗穆員湊禪師院會集序索過風於前林求往夢於旣寤不可及也尙書李君日其可及者詩猶庶乎詩之哉

初冬將有潁州之行感書二首

庚戌

將車奉杖又江干未許衰親賦考槃漠北遠纔拋旅夢
終南高欲比憂端一繩天數賓鴻急半袂書馱塞衞寒
此去聚星堂在否勞人休作季方看

世說陳太邱詣荀朗陵貧無僕賃乃使元方將車季
方持杖杜甫自京赴奉先縣詠懷詩憂端齊終南
瀕洞不可掇張羽
詩一袂字書隨白驪

乍歸陶令秫田蕪五柳門邊半詬逋笑悟指囷前輩少
浪傳焚券古人誣貧憐鶴料看猶好老嘆羊裘願總孤
潔白陔華吾自愧玉叉新卷彩衣圖

南史陶潛傳公田悉令吏種秫日吾嘗得醉於酒足
矣妻子固請種粳乃使二頃五十畝種秫五十畝種

梗

吳志魯肅傳周瑜候肅求資糧肅家有兩困米

皆三千斛乃指一困與瑜遂相親結定僑札之分

南史顧覲之傳子綽私財甚豐鄉里士庶多負責覲之誘出文券一大厨悉令焚之後漢書齊國上言

有一男子披羊裘釣澤中

李商隱詩鎖香金了鳥

展障玉鴉叉

皇甫謐高士傳老萊年七十作嬰兒

戲著五色斑斕衣取水上堂
跌仆臥地爲小兒啼欲母喜

留別諸親故二首

野水淒迷碧玉環
短亭衰柳不堪攀
佳兒終忝王文度
別曲愁聽謝阿蠻
微祿斗升勞白髮
片帆風雨夢青山
灤西都負比鄰約
酒熟鷄肥老閉關

劉禹錫詩竹含天籟清商樂水繞亭臺碧玉環
晉書王坦之傳字文度時人語曰江東獨步王文度世
說藍田愛念文度雖長大猶抱著膝上
樂史太真外傳新豐初進女伶謝阿蠻善舞
陸游詩白酒方

熟黃
鷄肥

鷗鷺頻年訂夙盟披風抹月故人情論文名敢居飛將
縱酒銜曾署步兵殘燭冷灰談草草短脾長喉去程程
拏舟有日焦陂路清潁亭邊打槳迎

黃庚詩不羨魚蝦利惟尋鷗鷺盟辛棄疾詞曾支抹月批風勅兼管留雲借雨章王仁裕開天遺事

張九齡見蘇頌文卷日眞文陣之雄帥也飛將補注
李商隱韓冬郎詩十歲裁詩走馬成冷灰殘燭動

離情蘇軾詩焦陂上與長淮通

發維揚途中雜詠八首

極浦王恭初月橫江謝朓餘霞遠望屬者獨者不辨松

耶柏耶

晉書王恭傳美姿儀或目之曰濯濯如春月柳謝朓晚登三山還望京邑詩餘霞散成綺澄江淨如練

陳子龍潤州詩若見餘霞憐謝朓正當初月憶王

恭屬者獨者見爾雅釋山史記田敬仲完世家

齊人怨王建不蚤與諸侯合從攻秦聽姦臣賓客以亡其國歌之曰松耶柏耶往建共者客耶

赤甲白鹽商廩紅闌綠浪歌船彎彎月子無賴衮衮錢

刀可憐

杜甫入宅詩奔峭背赤甲斷厓當白鹽白居易正月三日閒行詩綠浪東西南北路紅闌三百九十橋

楊萬里竹枝歌序有云張哥哥李哥哥大家著力一齊拖又云一休休二休休月子彎彎照幾州其聲

淒惋因襲括之爲竹枝歌云又雲麓漫鈔月子彎彎照幾州幾家歡樂幾家愁此乃吳中舟師之歌每於

更闌月夜歌之聲甚淒怨二分無賴見卷二廣陵曲注凡已注者不再出後皆倣此晉書王戎傳裴

頤說前言往行衮衮可聽庚信詩何處覓錢刀求爲洛陽賈

聒耳詩傳鄭衛當官人比歐蘇一種敬容殘客誰歌長
鉞歸乎

南史張纘傳與何敬容意趣不協敬容居權輻賓客
輻湊有詰纘纘拒不前日吾不能對何敬容殘客
戰國策馮驩彈其鉞歌曰
長鉞歸求乎無以爲家

羊頭車子一兩花面雅鬟十三伊誰載春西去生小不
事桑蠶

姜明叔蓉塘詩話自鎮江以東有獨輪小車謂之羊
頭車張文潛輪麥行羊頭車子毛布囊始見詩人用
之
劉禹錫贈小樊詩花面了
頭十三四春來綽約向人時

山色滌陽薰染柳陰西澗煙開含風村村翠滴排闥戶
戶青來

韋應物滁州西澗詩獨憐幽草澗邊生上有黃鸝深
樹鳴春潮帶雨晚來急野渡無人舟自橫按歐陽脩
六一詩話云滁州城西乃是豐山無西澗獨城北有
一澗水極淺不勝舟又江潮不到豈詩人務在佳句
而實無此景耶王安石詩一水
護田將綠繞兩山排闥送青來

陰陵大澤馳道天險藩籬壽春祇恃長江十萬南朝可
謂無人

江南通志陰陵城在定遠卽項羽失道陷大澤處又
壽州春秋六蓼國楚遷都於此秦壽春漢淮南王應
麟地理通釋自古立國東南以兩淮爲根本江南
野錄周世宗問孫忌江南虛實忌曰精兵雖止十萬
然長江一條可敵十萬之師國老
宋齊邱謝安王猛之徒可敵十萬

白石安豐舊埭青山下蔡孤城只有淮王愛士幾曾殷

浩知兵

江南通志壽州芍陂一名安豐塘楚相孫叔敖築又
下蔡城壽州漢縣漢書淮南王安傳招致賓客方
術之士數千人作爲內書二十一篇外書甚衆又有
中篇八卷言神仙黃白之術晉書殷浩傳謝尚輩
嘗曰深源不起當如蒼生何召拜大都督出
鎮壽陽率諸軍北伐姚襄邀敗之浩走譙城

淝水茫茫戰跡謝庭能學韜鈴絕憶渠家兒女團樂詠

絮鉤簾

晉書謝元傳苻堅進攻潁口謝安舉元督兵卻之逼
淝水而戰風聲鶴唳皆以爲晉兵捷書至安方對客
奕了無喜色客問之徐曰小兒輩
已破賊及還內不覺展齒之折

暮秋省親再之潁州述懷

辛亥

生無遠遊心似具遄飛翼不作襄陽估終年去鄉國臨
歧路迢迢拂袂寒側側周諄辭親串恂惘攄胸臆雪領

高堂親十年官絕域懸車三徑荒仰屋百憂逼一瓊託
經師三嘆爲衣食昨歲月在丑北風天宇黑江寒舟楫
稀山險石壁仄遠道勤扶持衰齡苦筋力到官舍如冰
破屋蔓叢棘隆冬爨煙冷欲語氣先塞春舫我暫理秋
駕裝重飭馬蹏不能方綫路真似織渺渺孤雲飛天涯
起愁色守株願則違塵海計非得何時可抽身林泉使
棲息庭闈靜怡顏子婦分供職厠滌萬石褰饅餽曾孫
稷老屋朝暾溫書窗閒吮墨

王介甫詩側側輕寒翦翦風又許奕詞玉樓十二春
寒側 蘇軾詩老語徒周諮 白居易東南行相逢
應不識滿領白髭鬚 漢書敘傳身脩國治致仕懸
車 南史蕭恭傳元帝勤心著述卮酒未嘗妄進恭

曰下官歷觀時人多有不好歡興乃仰眠牀上看屋
梁而著書千秋萬歲誰傳此者豈如臨清風對朗月
肆意酣歌也唐書鄭虔傳爲廣文館博士在官貧
約澹如也杜甫贈以詩日才名四十年坐客寒無羶
後漢書伏湛傳經爲人師行爲儀表韓愈謁衡
嶽廟詩衣食纔足甘長終陸游詩馬蹄不方何處
尋張衡思元賦庸織路於四裔今斯與彼其何瘳
李善注言涉路東西有似於織也唐書狄仁傑傳
授并州法曹參軍登太行山反顧見白雲孤飛謂左
右曰吾親舍其下瞻悵久之張衡應問契舟而求
劍守株而待兔按守株事出韓非子又白居易詩貧
室如懸磬端憂劇守株宋娶日出齊化門詩俯視
塵上海靈臺慈悲傷蘇軾詩雲泉勸我早抽身
史記萬石君傳以長子建爲郎建每洗沐歸謁親取
親中裙廁踰身自澣滌劉
孝綽書韜翰吮墨多歷寒暑

由無錫至常州

波紋嫩豔雲有無迎潮擊汰芙蓉湖龍山錫山雨入眼

煙螺細膩風鬟麤我聞此水名九曲中有笑兀茅亭孤
文甌窳臂不可見桑屐輸彼鴟頭奴身隨雁鶩穿荻蘆
故宮桃夏稱通都春申事去二千載珠履賓客成嘯烏
離亭才人魯相使陰譎那得誇雄圖李園黃歇皆非夫
我儕憑弔胡爲乎慧泉酒價賤易沽買醉拚倒青田壺
酒兵茶陣兩足娛品經鴻漸眞吾徒亭亭藕花香襲裾
隔岸一朵清而腴晚風獵蒲起宿鳥新月出柳窺懸蛛
清流連娟女環如碧玉滑笏疑瓊膚九原可作共指點
相看一笑顏胡盧

楚辭九章涉江齊吳榜以擊汰
常州府志芙蓉湖
府城東九龍山府城北自孤陳山至此凡九嶺故名

錫山卽慧山東峰周秦間產鉛錫古銘云有錫兵天下爭無錫寧天下清光武以後不復產錫 蘇軾過

廣愛寺詩亂峰螺髻出

蘇軾游道場山何山詩出

山同望翠雲鬟

陸羽遊慧山記慧山寺前曲水亭

其水九曲蟄以文甃窳甃

盧綸郊居對雨詩桑扈

時登望荷衣自卷舒

白居易詩繡面誰家婢鴉頭

幾歲奴

袁康吳平越絕書今太守舍春申君所造

後壁屋以爲桃夏宮又楚考烈王相春申君吏李園

女弟女環曰王老無嗣可見我於春申君得見於王

卽不見我汝求謁於春申君才人園明日辭春申君

才人有遠道客請歸待之春申君問何等客對曰園

有女弟魯相使使求之春申君明日使待於離亭春

申君到女環至大縱酒女環鼓琴春申大悅留宿

史記春申君列傳考烈王無子李園女弟幸於春申

君知其有身進之遂生子男立爲太子園用事恐語

洩殺春申君以滅口 酉陽雜俎青田核大如六升

瓠注水其中俄頃水成酒一名青田壺亦曰青田酒

韓偓詩酒衝愁陣出奇兵

蔡襄茶錄建安鬪茶

以水痕先沒者爲負俟久者爲勝

唐書隱逸傳陸

羽字鴻漸自稱桑苧翁嗜茶著經三篇

蘇軾舟中

夜起詩暗潮生渚弔寒蛸落月挂柳看
懸蛛 宋玉神女賦眉聯娟以蛾揚兮

丹陽夜泊

水宿金牛道科頭倚峭檣天長拓星勢月昃閃湖光霜
柝闌隄急漁鐙到枕涼新洲思霸業渺渺荻蘆荒

江南通志奔牛堰在武進縣西三十里漢時有金牛
出茅山奔此故名 南史宋武帝紀伐荻新洲見大
蛇射之傷明日見童子數人搗藥問其故荅曰我王
爲劉寄奴所射合散傳之帝曰王神何不殺之日寄
奴王者
不死

虔亭

地憶長沙業名傳太史賢士爲知己死身得霸才憐有
客思盤槩如公願執鞭阿蒙亦奇傑遺址共榛煙

李吉甫元和郡縣志虔亭壘在丹陽縣東四十七里
江南通志神亭在丹陽縣延陵西三十里卽吳長
沙王遇太史慈處 吳志太史慈傳裴注引胡冲吳
歷太史慈於神亭戰敗爲策所執慈曰州軍新破士
卒離心欲出宣恩合聚恐不合尊意策曰誠本心所
望也明日中望君來諸軍皆疑策曰太史子義青州
名士以信義爲先終不欺策明日月中慈至又注引
虞浦江表傳策曰子義一以意許知己死亡不相負
勿復憂也 溫庭筠過陳琳墓詩詞客有靈應識我
霸才無主始憐君 唐彥謙送樊琯司業歸朝詩折
樹休盤槩沈鉤且釣璫 史記管晏列傳贊假令晏
子而在雖爲之執鞭所欣慕焉 江南通志呂城在
丹陽縣東五十四里吳呂蒙所築 吳志呂蒙傳裴
注引虞浦江表傳魯肅曰吾謂大弟但有武略耳至
於今者學識英博
非復吳下阿蒙

眞州柳屯田墓二首

清才仙去骨常溫江草江花護墓門無限人間兒女恨